

# UKIUMOORTUMIK NALUNAARUT 2025

Akilerartarnermut Aqutsisoqarfik / Skattestyrelsen





# IMAASA ALLATTORSIMAFFIAT

|                                                                                               |    |
|-----------------------------------------------------------------------------------------------|----|
| IMAASA ALLATTORSIMAFFIAT .....                                                                | 2  |
| AQUTSISOQARFIMMI PISORTAP AQUTSISUNIT NALUNAARUTAA .....                                      | 3  |
| AKILERAARTARNERMUT AQUTSISOQARFIK PILLUGU PAASISSUTISSAT 2025.....                            | 4  |
| 2025-MI SULINIUTIT PINGAARNERIT .....                                                         | 5  |
| AAQQISSUUSSAANEQ AAMMA INGERLATSINEQ .....                                                    | 8  |
| ANGUSAT AALAJANGERSIMASUT .....                                                               | 11 |
| AKILERAARTARNERMUT AQUTSISOQARFIUP INGERLANNEQARNERA PILLUGU<br>ATAATSIMUT TAKUSSUTISSAQ..... | 12 |
| ILANNGUSSAT: 2025-MUT ANINGAASANUT INATSIMMI AKILERAARTARNERMUT<br>TUNNGASUT .....            | 14 |
| Oqaasertaliussat 2026 Akileraartarnermut Aqutsisoqarfik .....                                 | 14 |

# AQUTSISOQARFIMMI PISORTAP AQUTSISUNIT NALUNAARUTAA

Akileraarutit akitsuutillu naalakkersuinikkut sakkuupput, inuiaqatigiinni iluaqutiniq nammattassanillu agguataareqataasut. Akileraartarnermut Aqutsisoqarfik Inatsisartut Naalakkersuisullu ilisimasaqarlualutik naalakkersuisinnaanissaat anguniarlugu allaffeqarfinnik allanik suleqateqartarpoq. Aamma inatsisit akuerineqartut Akileraartarnermut Aqutsisoqarfiup suliaasaqarfiani sulineri piviunngortinneqartarput. Akileraartarnermut Aqutsisoqarfik taamatut inissisimaffimmit aallaaveqartumik inuiaqatigiillu ingerlalluarnernannut iluaqutaasartumik suliaassarpassuaqarpoq. Suliaasanik suliaqartarneq innuttaasunut suliffeqarfinnullu kiisalu Namminersorlutik Oqartussanut kommuninullu pingaaruteqarlunnartuuvoq.

Akileraartarnermut Aqutsisoqarfiup pisortat, Namminersorlutik Oqartussat kommunillu, isertitaannik qulakkeerinnittarluni sulinera, aqutsisoqarfiup atuuffianut pingaarutilittut ilaaginnarpoq. Akileraartarnermut Aqutsisoqarfiup pingaarnertut suliamini makku 2025-mi sammivai: akileraarutit, akitsuutit, ilanngaaserisut aamma akiliitsiniartarfik. Akileraartarnermut Aqutsisoqarfik inatsisinut nutaanut akisussaaffeqarluni inatsisiliorluni sulineri aamma naalakkersuisoqarfiit allat inatsisissatut siunnersuutiniq tusarniaanerini 2025-mi isumasioqatiginnittarlunilu tusarniaanermi peqataaqqippoo. Akileraartarnermut Aqutsisoqarfiup akileraartarnermik aaqqissuusseqqinnerup 1. januar 2025-mi atuutilersup atuutilernissaanut peqataaffigaa. Akileraartarnermut Aqutsisoqarfik innuttaasut ukiumut isertitaasa missingersuusionerqartarnerinik suliaqartarpoq, aamma Suila-tapit innuttaasunut 20.000-t missaanniittunut qaammammoortumik tunniunneqartarnerinik qaammatit tamaasa suliaqartarpoq. Uanga immikkut ittumik paasinninnera naapertorlugu innuttaasut amerlasuut aaqqissuusseqqinneq iluaaat, atuutilersinneqarnerani periusseq aamma uagut aaqqissuusseqqinnerup innuttaasunut ataasiakkaanut qanoq pingaaruteqartiginneranik paasissutissiinivut iluarineqarlutik.

Suliniutit arlallit 2025-mi aallartinneqanngikkunik naammassineqarput. Taakku ilaannaanik taasiniaannarluta oqaluttuarissavagut, Akileraartarnermut Aqutsisoqarfiup umiarsuit takornariartaatit ilaasullu akitsuutaasa kiisalu umiarsualivimmi akitsuutit allat nalunaarsornerinut naatsorsornerinullu aaqqissuusaaq Talipooq atuutilersippaa. Nutarterilluta aallartippugut, soorlu inuit attaveqatigiittarfiiniilerpugut, aamma aaqqissuusaaq Unnuineq inerisarpaput, taamaalliluta 2026-p aallartinneraniit unnuisarfii qassinik unnuisoqarnerlutik nalunaarsuisinnaalersinneqarput aamma unnuineriut akitsuutiniq naatsorsuisinnaalersinneqarput.

Innuttaasut inersimasut suliffeqarfiillu tamarmik ukiup ingerlanerani soorlu akileraartarnermut allagartaq, nammineerluni nalunaarsuineq inaarummillu naatsorsukkat, pisortanut akiitsoqarneq imaluunniit suliffeqarfittut akissarsianik nalunaarsuineq akitsuummilluunniit akiliinissaaq pillugit Akileraartarnermut Aqutsisoqarfimmut attaveqartuaput. Assigiinngitsorpasut pillugit innuttaasunik suliffeqarfinnullu attaveqartarnerit uatsinnut sulisutsinnullu piumasaqarfiusaqaat. Akileraartarnermut Aqutsisoqarfiup suliffeqarfiup aaqqissugaanera 2025-p ingerlanerani allanngortiterpaa, taamaaliornitta inuussutissarsiortut innuttaasullu pitsaanerumik sullissinnaalersippai. 2025 aamma tassaavoq uagut sulinitinnik eqaallisaanermik sulisutsinnillu ikilisaaffiginninnissamik pisariaqartitsiviusimasooq. Akileraartarnermut Aqutsisoqarfiup suleqatini arlallit piginnaasaqarlualutut nuannarineqartullu inuullaqqusariaqarsimavai. Akileraartarnermut Aqutsisoqarfiup piginnaasalittut nunalu tamakkerlugu eqaatsumik sulisinnaasutut aaqqissugaanissaanik samminilluni suliffeqarfiup aaqqissugaaneranik allannguisoqarlunilu ikilisaasoqarpoq, taamaalliluni akileraarutit, akitsuutit akiliitsiniartarnerillu eqqortumik ingerlaavartumillu aqunneqarnerinik inuiaqatigiit qulakkeerinniffineqarput. Innuttaasunik, atuisunik suliffeqarfinnullu sutigit tamatigit atassuteqarneq ataqqinnittumik pisarpoq. Tamanna qulakkeersinnaajumallugu Akileraartarnermut Aqutsisoqarfik suliffeqarfittut sulisut piginnaasaannik kiffartuusserusussusiannillu inerisaanissaminut siuttuunissani qulakkeerniarlugu anguniagaqarpoq. Innuttaasunik suliffeqarfinnullu tamanik pitsaasumik sullissisutut inerisaanermillu siuttutut suliffeqarfiunissarput Akileraartarnermut Aqutsisoqarfimmi kissaatigaarput. Tamatigit sullissilluartartutut isigineqassanata ilisimaarillunnarparput, inunnimmi suliffeqarfiillu namminneerlutik nalunaarsugaannik nakkutilliineq taakkunangalu allannguinerit, kiisalu kingorna akileeqqusinerit aamma akileraarutiniq akitsuutinillu akilinnngitsuukkanik akiliitsiniarit suliaasanut aamma ilaaginnarput.

**Morten Wenzel Selvejer**, Aqutsisoqarfimmi pisortaagallartoq

# AKILERAARTARNERMUT AQUTSISOQARFIK PILLUGU PAASISSUTISSAT 2025

Akilerartarnermut Aqutsisoqarfik tassaavoq Namminersorlutik Oqartussani allaffeqarfiit ilaat aamma Aningaasaqarnermut Akilerartarnermullu Naalakkersuisoqarfiup ataaniittoq. Aqutsisoqarfimmi naalakkersuisoqarfiup taamatullu Namminersorlutik Oqartussat ilaattut pimoorussineq kiffartuussilluarnissarlu anguniarneqartarput.

## Anguniagaq

Akilerartarnermut Aqutsisoqarfiup Inatsisartut Naalakkersuisullu sinnerlugit akileraarutinut, akitsuutinut akiliisitsiniaanermullu tunngasut aqutarai, taamaalillunilu inatsisitigut isumannaatsuunissaq pingaartillugu ingerlatsinissamik qulakkeerinilluni.

## Takorluukkat

Akilerartarnermut Aqutsisoqarfik nuna tamakkerlugu suliffeqarfiussaaq piginnaasaqartoq eqaatsumillu, akileraarutinik, akitsuutinik akiliisitsiniaanermillu eqqortumik aqutsilluni ingerlaavartumik inuiaqatigiinnut qulakkeerinittartoq. Innuttaasunik, atuisunik suliffeqarfinillu sutigut tamatigut atassuteqarneq ataqinnittumik pisarpoq. Aqutsisoqarfik suliffeqarfiorusuppoq sulisunik piginnaasaqartunik kiffartuussinissamillu ineriartortitsinermi siuttuusoq.

**Sulisut amerlassusaat:** 110 miss.

**Aaqqissugaaneq:** Aqutsisoqarfik 2024-mi pingasunik immikkoortortaqluni aaqqissugaavoq.

- Akileraarutit aamma Nakkutilliineq; misissuineq, akileraarusiineq aamma nakkutilliineq, ilanngaaserineq kiisalu sulisitsisut nalunaarsorsimaffiat Sulinal.
- Akiliisitsiniartarnek; inuussutissarsiortut inuillu akiitsui.
- Aningaasaqarneq; naatsorsuutit, akitsuutit.

Taakku saniatigut aqutsisoqarfik marlunnik atuuffeqarpoq.

- Attaveqaataaneq – innuttaasut, suliffeqarfiit aqutsisoqarfimmilu suliatigut immikkoortortat akornanni attaveqaataaneq.
- Aqutsisut, aqutsisoqarfimmi pisortamit toqqaannartumik aqunneqarput aamma suliat ineriartornerillu assigiinngitsut, katersortarpaat.

Akilerartarnermut aqutsisoqarfik aqutsisoqarfiup pisortaanit aqunneqarpoq.

## Nunap immikkoortui

Suliassat Nuummi qitiusumik allaffimmi kiisalu nunap immikkoortuini tallimaasuni Qaortumi, Maniitsumi, Kangerlussuarmi, Sisimiuni Ilulissanilu kiisalu Danmarkimi Aalborgimi Københavnimilu allaffinni marlunni suliarineqartarput.

## Aqutsisoqarfiup inuiaqatigiinnut/attassinissamut akisussaaffii

Akilerartarnermut Aqutsisoqarfik kalaallinik inuusuttunik ilinniartitseqataasarpoq. 2025-mi qulinik ilinniartoqarpoq. Akilerartarnermut Aqutsisoqarfiup sulineri periutsit sapinngisamik pappilialersorfiunnginnissaat sulissutigai.

Nittartagaq: [www.aka.gl](http://www.aka.gl)



**SKATTESTYRELSENS  
KONTORER**

# 2025-MI SULINIUTIT PINGAARNERIT

## PINGAARNERTUT SULIASSAT

Akileraartarnermut Aqutsisoqarfik akileraarutininik akitsuutinillu akiliisitsiniarnernik isumaginnittarpoq. Akileraarutininik akitsuutinillu suliaassat tassaapput A-nut aamma B-nut akileraarutininik akiliisitsiniarneq, siumoortumik nalunaarsuineq, nammineerluni nalunaarsuineq, akileraarusiineq aamma inunnik inatsisitigullu inuttut pineqartuninik misissuineq, akitsuutinik akiliisitsiniarneq nakkutilliinerlu. Taamatuttaaq aqutsisoqarfiup nioqqutissanik eqqussukkanik nakkutilliineq isumagisarpai, matumani ikiaroornartuninik nakkutilliineq ilanngullugu. Akileraartarnermut Aqutsisoqarfiup soraarnerussutisiaqarnissamut aaqqissuussinnermut peqataasussaataaneq allaffissornikkut aamma isumagisarpaa.

Akileraartarnermut Aqutsisoqarfiup suliffeqarfiit nalunaarsorneqarnissaminut pisussaataitaasut nalunaarsuinnermut, allannguinnermut, taamaatitsinnermut il.il. tunngatillugu CVR-imut (Inuussutissarsiummik Ingerlataqartuninik Nalunaarsuiffik) allattoqarfittut ikorfartuisarneq ullumikkut isumagisaraa.

Akileraartarnermut Aqutsisoqarfik aamma Namminersorlutik Oqartussat, kommunit, Ini A/S, Nukissiorfiit il. il. akiitsuinik kiisalu nunanut avannarlernut akiligassanik akiliisitsiniartarpoq.

## SULINERMUT ILANNGAATINIK TUNNIUSSUINERMUT ATORTUP (SUILA-TAPIT) ATUUTILERSINNEQARNERA INERISAQQINNERALU

Naalakkersuisut akileraartarnermik aaqqissuusseqqinnerup naammassiniarlugu aalajangerput, aaqqissuusseqqinnerup ilaa malunnaatilik tassaasussaavoq sulinnermut ilanngaatit malunnartumik qaffarneqarneri, aamma innuttaasuunut amerlasuunut qaamatikkaartumik tunniunneqartarneri. Akileraartarnermut Aqutsisoqarfiup 2024-mi ukiup affaani kingullermi, aaqqissuussap 2025-p aallartinneranit atuutilersinnissaa sulissutigisimavaa. Sulinnermi tassani akileraartarnermut aaqqissuusseqqinnerup atuutilersinneqarnera 2025-mi ukiup affaani siullermi pingaartumik inerisaalluni suliaqartoqarpoq.

## UMIARSUALIVIMMIINNERMUT AAMMA UMIARSUIT TAKORNARIANIK ANGALLASSISARTUT ILAASUISA AKITSUUTAANNIK NALUNAARUTEQARTARNERMUT AAQQISSUUSSARTAANIK (TALIPPOQ) ATUUTILERSITSINEQ

Akileraartarnermut Aqutsisoqarfiup aaqqissuussaq Talippoq 2025-mi atuutilersippaa, taanna atorlugu umiarsualivimmiinneq aamma umiarsuit takornarianik angallassisartut ilaasuisa akitsuutaannik nalunaarutiginnittoqartarpoq. Aaqqissuusaq umiarsualiviit takornariaqarnermillu suliallit qanimut oqaloqatigisarlugit inerisarneqarpoq.

## UNNUINERMUT AKITSUUTINIK NALUNAARSUIFFIUP UNNUINEQ.GL-IP

### INERISARNEQARNERA

Talippoq-mit misilittakkat aallaavigalugit Akileraartarnermut Aqutsisoqarfik unnuinermut akitsuutininik nalunaarsuisarfimmik akileeqqusisarfimmillu inerisaavoq. Atuisut atortagaat aamma aqqissuussaq Naatsorsueqqissaartarfik, Visit Greenland aamma takornarianik suliaqartartut ilaatigut peqataatillugit inerisarneqarput.

2026-mi qaammatit pingasut siulliit aallarnerfigalugit takornarianut angalasunullu allanut unnuinermut ataatsimut 30 kr.-nik akitsuummik akileeqqusinissamut Unnuineq.gl periarfissiissaaq.

### AKITSUUSERSUINERMUT AAQQUSSUSSANIK INERIARTORTITSEQQINNEQ

Akileraartarnermut Aqutsisoqarfiup eqqussinermit akitsuutit nalunaarsornerinut aqqissuussaq Akitsuut inerisaqqippaa. Taassuma saniatigut nioqqutissat nunamut eqqunnerini nammineq kajungissuseq aallaavigalugu akileraarusuisarnermut aqqissuussamik inerisaaneq ukioq kingulleq qaammatit pingasukkaat kingullianni aallartinneqarpoq. Innuttaasut nunanit tamalaanit tikittartut akitsuutininik erngerlutik akiliisarnerinut atortorissarut 2026-mi atorsinnaalissavaat.

### OQARTUSSANIK ALLANIK SULEQATEQARNEQ

Akileraartarnermut Aqutsisoqarfiup Danmarkimi Akileraartarnermut Aqutsisoqarfik Ilanngaaserinermullu Aqutsisoqarfik suliaasaqarfinni arlalinni suleqatigisarpai. Sulianik ulluinnarni suliaqarnermi aamma pisortat akornanni ingerlaavartumik oqaloqatigiittoqartarpoq. Suleqatigiinnissamik isumaqatigiissutit akuttunngitsumik nutarterneqartarput, 2025-milu ilisimasanik avitseqateqarnerulernissaq, sulisutigut isumalluutininik atukkiisinnaanermut periarfissaqarnerulerneq, ataatsimiinnerit, paasisassarsiorneq suliniutillu allat isiginiarneqarput. Peqatigisaanik suleqatigiinnissamik isumaqatigiissutit ajornartorsiutit aalajangersimasut pillugit saaffiginnissutit isumagisarnerannut tunngavigineqartarput.

Soorlu Akileraartarnermut Aqutsisoqarfik danskit oqartussaasuinit, inatsisinik unioqutitsillutik inuussutissarsiorlutik pasineqartunik, sukumiisumik nakkutigininnermik suliaqariartortunit, akuttunngitsunik tikeraarneqartarpoq.

### ATTAVEQAQATIGIINNIKKUT SULINIUTINIK PITSANNGORSAANEQ

Akileraartarnermut Aqutsisoqarfiup nittartagaata imarisai paasisutissartaalu pitsanngorsarneqarnikuupput. Sulianik aqqissuussingaatsiarnikuuvugut aamma innuttaasut inuussutissarsiortullu pisariaqartitaat naapertorlugit paasisutissat ilusilersorlugit suliaqarnikuulluta.


Akileraartarnermut Aqutsisoqarfik inuit attaveqaqatigiittarfiini aamma ersinnerulernikuuvuq. Siullertut paasititsiniaaneq 'Katersakka', nammineq utoqqalinissamut ileqqaarnerup naleqassusia pillugu paasititsiniaasoqarpoq. Tulliattut Suila pillugu paasititsiniaasoqarpoq, tassani sulinermit ilanngaatiq tunniunneqartarnera pillugu paasititsiniaasoqarluni. Inuit attaveqaqatigiittarfiini ataavartumik ukiup affaani kingullermi paasisutissiisoqartalerpoq.

## ‘SULLITAT’ QITIUTILLUGIT SULIFFEQARFIMMIK INERISAANEQ

Suliamut ilisimasaqassutsumik inuussutissarsiortut innuttaasullu nalaattagaannik pitsanngorsaanissaq siunertaralugu Akileraartarnernut Aqutsisoqarfik suliffeqarfimmik allannguivoq. Utoqqalinersiat, nalikilliliinermut malittarisassat, qaammammoortumik nassuiaatit, akissarsianik ilanngaatsinnerit allalluunniit pineqarneri apeqqutaanatik saaffiginnissutaasut pingaartinneqarneri uani pineqarput. Innuttaasunik sullissiviup ileqqusumik immikkoortortaqarfia marlunnik pingaarnertut suliaqartussamik minningorlugu ‘attaveqaammik’ taarserneqarpoq; suliat ajornanngilluinnartut, soorlu akileraarnissamut allagartap tunniussuunera kiisalu innuttaasut inuussutissarsiortullu Akileraartarnernut Aqutsisoqarfimmi suliatigut attaveqaammut eqqortumut aqqutissiuunneri. Nuummi qullersaqarfimmi aamma aaqqissuussaaneq allanngortinneqarpoq, tassani sulisut innuttaasunik inuussutissarsiortunillu akuttunngitsumik attaveqartartut kiffartuussivimmut qaninnerusumik allaffittaarput aamma sulisut suliffeqarfiup iluani inissisimasut innuttaasunik kiffartuussiviusimasup inaataanniilerput.

# AAQQISSUUSSAANEQ AAMMA INGERLATSINEQ

Akileraartarnermut Aqutsisoqarfiup aaqqissuussaaneq 2025-mi upernaakkut ima allanngortiterpaa:



## ANINGAASAQARNERMUT IMMIKKOORTORTAQ

Immikkoortortaqqarfirmi aqutsisoqarfiup akiliisitsiniarnerit, akiliisarnerit, akiliutigineqartut, ilanngaasiinerit, nalunaarsuinerit amerlanersaat aamma akileraarutit akitsuutillu amerlanerit aqullugit isumagisarpai. Taakkununga eqqussuinnermut akitsuutit, motoorinut akitsuutit, umiarsualivimmiinnermut akitsuut, pappiaqqanik nalilinnik naqissusiinnermi akitsuut, eqquinaasitsinnermi akileraarut, aningaasanik ikisarluni pinnguaatinut akitsuut, akiliisitsilluni piniartitsinnermut aalisarnermullu akitsuutit, nunap iluani imeruusaatinik tunisassioinnermut akitsuutit kiisalu tipsernermi lottornermilu akitsuutit ilaatigut ilaapput. Taakku saniatigut immikkoortortaqqarfiup Akileraartarnermut Aqutsisoqarfiup ingerlatsinnermut naatsorsuutai isumagisarpai. Aningaasaqarnermut immikkoortortaqq Akileraartarnermut Aqutsisoqarfirmi paasissutissat amerlanerpaartaannik suliaqartarpoq.

## AKILERAARUTIT AAMMA NAKKUTILLINEQ

Immikkoortortaq Maniitsumi, Kangerlussuarmi, Sisimiuni Ilulissanilu kiisalu Danmarkimi sulisoqarpoq. Immikkoortortaqarfimmi innuttaasunut suliffeqarfinnullu ikiuisarneq ilitersuisarnerlu, suliffeqarfinnik ingerlatseqatigiiffinnillu il.il. akileraarutitut akitsuutinullu tunngasut tamaasa pillugit akileraarusiineq misissuinerlu kiisalu soraarnerussutisiaqarnermik aqqissuussamut peqataasussaaitaaneq isumagineqarput. Immikkoortortaqarfiup nuna tamakkerlugu akileraarummik, nuna tamakkerlugu immikkut akileraarut aamma ingerlatseqatigiiffiit akileraarutaat, tassa akileraarutit A-t, akileraarutit B-t aamma ingerlatseqatigiiffiit akileraarutaat, aningaasaliissutitut pissarsiassat ilaannik akileraarusiineq il.il. ilaatigut akisussaaffigai. Innuttaasut suliffeqarfiillu tamarmik eqqortumik akileraarummik akiliisarnerisa qulakkeerreqarneri sammineqartarput. Pingaartumik sulisitsisunik nakkutillineq isumalluuteqarnissamik piumasaqaatitaqarpoq, , taamaalilluni paasissutissat eqqortumik piffissaagallartillugulu nalunaarsorneqarsinnaalissammata.

Kiisalu nunani tamalaani isumaqatigiissutitut aamma nunani tamalaani oqartussat akornanni paasissutissanik paarlaasseqatigiittarneq naapertorlugu oqartussaasutut piginnaasalittut suliaassanik sulisoqartarpoq.

Ilanngaaserisut Akileraaruserinermi aamma Nakkutilliinermi aqutsisut allaffeqatigaat. Angalallutik tikittunik aallartunillu kiisalu nioqqutissanik eqqussinermi annissuinnermilu nakkutillineq ilanngaaserisoqarfiup suliarai.

## AKILIISITSINIARTARNEQ

Akiliisitsiniarnermut Immikkoortortaqarfik Maniitsumit aqunneqarpoq. Innuttaasut suliffeqarfiillu Kalaallit Nunaanni pisortanut akiitsuisa akilersinniarneqarnissaannik qulakkeerinninnissaq immikkoortortaqarfiup suliaassaraa. Kiffartuussineq immikkoortortaqarfimmit isumagineqartoq taanna Kalaallit Nunaannut tamarmut atuuppoq. Innuttaasut suliffeqarfiillu ornillugit nalinginnaasumik pulaarlugit akiliisitsiniartoqartarpoq. Akiliisitsiniartarfiup suliffeqarfiit innuttaasullu illoqarfinni immikkoortortaqarfimmiittut ingerlaavartumik pulaartarpei. Inoqarfiit allat sapinngisamik ukioq allortarlugu tikeraarneqartarput. Immikkoortortaqarfiup kiffartuussinini ilallugu innuttaasut suliffeqarfiillu pisortanut akiitsuminnik akilersuinnaanerminnut piginnaasaqarnerulernissaat ingerlaavartumik sammillugit, innuttaasunut suliffeqarfinnullu kajungilersitsiniarluni sapinngisamik eqallissalluni suliniuteqartarpoq. Taamaattumik innuttaasunik suliffeqarfinnullu ilitersuussinermi isumagininnerisa siunissami ungasinnerusumi qanoq pitsanngoriarsinnaaneri pillugit aamma ilitersuisoqartarpoq.

## AQUTSISUNUT SULLISSIVIK

Aqutsisunut sullissivik aqutsisoqarfiup pisortaanik, aqutsisunillu allanik, allatsimik assigiinngitsunillu ataqatigiissaarisartoqatigiinnik inuttaqarpoq. Aqutsisunut sullissiviup aqutsisoqarfiup attaveqatigiinneq kiisalu Aningaasaqarnermut Akileraartarnermullu Naalakkersuisoqarfik aqqutigalugu naalakkersuinnermik sulialinnut tunniussuinerit isumagisarpei. Aqutsisunut sullissivik isumalluutit akitsuutai, sermimut imermullu akitsuutit akileeqqusarnerinik aamma akisussaaffeqarpoq. Kiisalu nunani tamalaani isumaqatigiissutitut aamma nunani tamalaani oqartussat akornanni paasissutissanik paarlaasseqatigiittarneq naapertorlugu oqartussaasutut piginnaasalittut suliaassanik sulisoqartarpoq.

Immikkoortortaqarfimmi akisussaaffeqarfik angisooq alla taassaavoq aqutsisoqarfiup aqqissuussanik pigisaanut akisussaaffeqarneq, aqutsisoqarfiup inerisagassatut suliniutaanik suliniutinik aqutsineq kiisalu suliaasaqarfiit assigiinngitsut akornanni periutsit erseqqissuunissaannik ataqatigiinnissaannillu qulakkeerinninneq. Periutsit innuttaasunut sammisut pitsanngorsarnerinik kiisalu digitaalinnngorsaanerup inerisarneqarnissaannik immikkut sammisaqarneq.

Akiliisitsiniartarfiup ataatsimoortumik suliniuteqarneratigut 2025-mi akiitsut 306.300.249 kr.-t akilernerqartut ima tulluuttumi agguataarneqarput:

| <b>Akiliisitsiniartarfik<br/>aqutigalugu akiitsunut<br/>akiliutit</b> | <b>2024</b>        | <b>2025</b>        | <b>Inerisaaneq</b> |
|-----------------------------------------------------------------------|--------------------|--------------------|--------------------|
| Nalinginnaasumik akilikkat<br>(BS, aningaaserivik FIK)                | 70.498.575         | 81.300.086         | 10.801.511         |
| Akissarsianik<br>ilanngaatsittarneq                                   | 46.710.203         | 42.853.866         | -3.856.337         |
| Akiliutigineqartut<br>(amerlanertigut<br>akiligassaqaarfimmit)        | 54.545.823         | 75.447.806         | 20.901.983         |
| Akileraarutinit sinneruttunit<br>akiliutigineqartut                   | 80.163.328         | 93.002.792         | 12.839.464         |
| Suila-mut akiliutigineqartut                                          |                    | 13.695.699         | 13.695.699         |
| <b>Katillugit</b>                                                     | <b>251.917.929</b> | <b>306.300.249</b> | <b>54.382.320</b>  |

1.495-inik isumaqatigiissuteqartoqarsimavoq, taakkunannga akissarsiat aqutigalugit ilanngaatsittarnissamik isumaqatigiissutit 1.280-it (pinngitsaalisamik piumassutsimilluunniit) siinerilu 215-it akilersuissamik isumaqatigiissutit.

#### **ATTAVEQAAT AAMMA SULIFFEQARFIUP ILUANI KIFFARTUUSSINEQ**

Akileraarternermut Aqutsisoqarfiup Innuttaasunut Sullissivia Akileraarternermut Aqutsisoqarfiup avammut sullitanut kiinaraa. Akileraarternermut Aqutsisoqarfimmut saaffiginnissutit akileraarutinit, akiliisitsiniarnermut, momsimut allagartanik naqitsisarnermut, akitsuutinit, CVR-mut allallu pillugit, tamarmik pingaarnertut innuttaasunut sullissivik aqutigalugu pisarput. Taakku saniatigut sulisut pillugit suliat, akissarsiat, attartorneq il.il. tassani suliarineqartarput.

Ulluinnarni ornigullutik saaffiginnittunik sullissinerup saniatigut, Akileraarternermut Aqutsisoqarfimmi Innuttaasunut Sullissivik allanik aamma suliaasaqarpoq, soorlu mailikkut apeqqutinik, oqarasuaatikkut saaffiginnittunik akissuteqartarnerit il.il. Innuttaasunut Sullissiviup innuttaasut isertitaannik, pingaartumik ukiumut akissarsiat allagartaat nutaat il.il. takkukkaangata ingerlaavartumik allannguisarnerit aamma suliarisarpai.

Ilulissani, Sisimiuni, Maniitsumi, Nuummi, Paamiuni Qaortumilu Akileraarternermut Aqutsisoqarfiup saaffiginnittarfiinut 2025-mi ornigullutik saaffiginnittut qaammammut agguaqatigiissillugit 2.00-t missaanniipput. Ornigulluni saaffiginninnerit saniatigut aqutsisoqarfiup pingaarnertut oqarasuaataanut sianertut ullormut agguaqatigiissillugit 100-t sinneqartut isumagineqartarput. Immikkoortortaqaarfik innuttaasut nutaamik siumoortumik nalunaarsuigaangata aqqissuussaq Min Skat atorlugu misissuisarpoq. Siumoortumik nalunaarsukkat qaammammut agguaqatigiissillugu 180-t misissorneqartarput.

# ANGUSAT AALAJANGERSIMASUT

## INAAARUMMIK NAATSORSUINEQ

Akilerartarnermut Aqutsisoqarfiup inunnut 48.885-i ukioq akilerarfiusoq 2024-mi nalinginnaasumik inaarutaasumik nalunaartaat akilerarutitigut naatsorsuutitut tunngasut 2025-p ingerlanerani suliarisimavai.

Sulianik suliaqarnerup il.il. kingunerisaanik inuit ataasiakkaat inaarutaasumik naatsorsuutaannik katillugit 1.050-inik allannguilluni suliaqartoqarpoq.

## AALAKOORNARTOQ AAMMA CIGARETSIT

Angalalluni nunamut tikinnermi poortukkanillu nassiussanik il.il. nakkutilliinerit aalakoornartut 78 literit, sunoorsit poortat 1.758-it cigaretsillu 3.660-t, tassa kartonit 158-it arsaarinnissutigineqarnerinik kinguneqarsimavoq. Cigaritsit pappiliartaat 27.950-it arsaarinnissutaapput. Taakkununga atatillugu 487.600 kr.-t missaannik akiligassiisoqarpoq.

## IKIAROORNARTOQ AAMMA ANINGAASAT

Ikiaroornartup aningaasallu nakkutigineqarnerini 86,980 kg hash, 99 gram MDMA, 26 gram amfetamin kiisalu 6 gram kokain aamma 40 LSD meqqit arsaarinnissutigineqarnerinik ilaatigut kinguneqarput.

Ilanngaaserisut aamma 2.225 m, testosteronit aamma 2.690 iisartakkat testosteronit kiisalu 420 iisartakkat viagrat arsaarinnissutigaa.

Taakku saniatigut aningaasat 8.623.444 kr.-t arsaarinnissutigineqarput. Ikiaroornartoq aningaasallu suliarinninnerup ingerlaqqinnissaanut politiinut tunniunneqarput.

## AKILERAARTARNIKKUT AKILIGASSIISUTIT

Aningaasaqarnermut Akilerartarnermullu Naalakkersuisoqarfik sulianik pingasunik akisussaannermik nalilersuinnermut tunngasunik 2025-mi tigusaqarpoq. 2025-mi allaffissornikkut akiligassiisummik ataatsimik akuersilluni 2025 angusaqarfiuvoq. Suliaq ataaseq Politiinut nassiunneqarpoq aamma suliaq ataaseq naammassineqanngilaq.

## AKILERAARTARNERMUT AQUTSISOQARFIUP TUSAGASSIORFINNIITTARNERA

Akilerartarnermut Aqutsisoqarfik sulinermut akitsuut (Suila-Tapit) pillugit assut paasititsiniaanikuuvoq. Paasititsiniaanerimi immikkoortut pingaarnerit katillugu Kalaallit Nunaanni najugalinnit Facebook-imi 1,2 mio.-erlutik isiginnaarneqarsimapput. Akilerartarnermut Aqutsisoqarfik Facebook-imi Suila-Tapit quppernerani 1600-t missaannik 2025-p naanerani malinnaasoqarpoq aamma Aka.gl 1.000-it missannik malinnaasoqarpoq.

# AKILERAARTARNERMUT AQUTSISOQARFIUP INGERLANNEQARNERA PILLUGU ATAATSIMUT TAKUSSUTISSAQ

|                           | 2025   | 2024   | 2023   | 2022   | 2021   |
|---------------------------|--------|--------|--------|--------|--------|
| Aningaasaliissutit, t.kr. | 94.510 | 86.100 | 79.786 | 80.774 | 86.503 |
| Atuineq t.kr.             | 93.122 | 86.000 | 79.587 | 79.587 | 81.653 |
| Atuinnermut procenti      | 99 %   | 100%   | 100%   | 99%    | 94%    |

Akileraartarnermut Aqutsisoqarfiup naalakkersuinnermik suliallit aningaasatigut sinaakkutinik aalajangersagaasa iluanni suliat 2025-mi aamma suliarai. Ukiut ingerlanerini nikerarnerit annerusumik immikkut suliniuteqarnermik peqquteqarpot. 2025-mi aningaasaleeqqinneq aamma aningaasartuuteqarneruneq akileraartarnermut aaqqissuusseqqinnerup atuutilerneranik annerusumik peqquteqarpoq.

## AKIITSUT INERIARTORNERI

Akiitsut tamarmiusut takutippaat, januar 2024-mit januar 2025-mut 2,5 %-inik amerliartuaarsimasut, suliali amerlassusaat taamaallaat 1 %-imik amerlerialaarsimallutik. Ineriartornerup takutippaa akiitsullit ikinneruleriartortut, aningaasartaalli amerlaneruleriartortut.

Takussutissiap ataaniittup takutippaa, akileraarutissat sinneri 2024-miit 2025-mut 30 mio. kr.-nik amerleriarsimasut. Taakku ukiuni kingullerni akiitsut annerpaartarisarpaat. Taakku januar 2025-mi akiitsut tamarmiusut 38 %-erisimavaat. Meeqqanut akilersuutit akiitsaqarfigineqarneri, januar 2025-mi akiitsut tamarmiusut 26 %-erivaat, taakku akiitsut annerpaat tulleraat.

| Akiitsut suussusaat                         | Suliat amerlassusii januar 2024 | Akiitsut aningaasartaat januar 2024 | Suliat amerlassusii januar 2025 | Akiitsut aningaasartaat januar 2025 | Suliat amerlassusii Procentinngorlugit allannguutaat | Akiitsut procentinngorlugit allannguutaat |
|---------------------------------------------|---------------------------------|-------------------------------------|---------------------------------|-------------------------------------|------------------------------------------------------|-------------------------------------------|
| Meeqqanut akilersuutit                      | 85.202                          | 420.442.763                         | 82.956                          | 407.762.996                         | -2,64%                                               | -3,02%                                    |
| Akileraarutissat sinneri                    | 333.437                         | 564.202.668                         | 351.480                         | 594.289.676                         | 5,41%                                                | 5,33%                                     |
| Inuussutissarsiuutitut tapersiissutit (ESU) | 61                              | 25724.906                           | 51                              | 19.561.539                          | -16,39%                                              | -23,96%                                   |
| Akileraarutit A-t                           | 44.303                          | 190992.578                          | 58.476                          | 149.934.644                         | 31,99%                                               | -21,50%                                   |
| Ingerlatseqatigiiffiit akileraarutaat       | 828                             | 35.311.256                          | 707                             | 95.039.472                          | -14,61%                                              | 169,15%                                   |
| Ineqarnermut akiliut                        | 10.041                          | 49.629.128                          | 10.020                          | 49.546.695                          | -0,21%                                               | -0,17%                                    |
| Akileraarutit erniaat                       | 563                             | 1.068.708                           | 551                             | 1.062.029                           | -2,13%                                               | -0,6 2%                                   |
| Kommunit akiitsui assigiinngitsut           | 12.254                          | 36.356.748                          | 9.264                           | 28.622.364                          | -24,40%                                              | -21,27%                                   |

|                                                         |         |               |         |               |         |         |
|---------------------------------------------------------|---------|---------------|---------|---------------|---------|---------|
| Taarsiusaataitaanermut ikiorsiineq                      | 3.224   | 19.627.641    | 2.806   | 17.099.025    | -12,97% | -12,88% |
| Ilinniarnermi taarsigassarsiat                          | 1.008   | 11.117.735    | 5.962   | 27.356.949    | 491,47% | 146,07% |
| Ulluunerani paaqqinnittarfiit                           | 19.540  | 14.251.646    | 15.588  | 12.187.540    | -20,23% | -14,48% |
| Eqqaavilerineq                                          | 86.777  | 40.122.301    | 66.025  | 34.732.135    | -23,91% | -13,43% |
| Kommunini inuussutissarsiutinut taarsigassarsiat        | 7       | 65.985        | 7       | 65.985        | 0,00%   | 0,00%   |
| Namminersorluni Oqartussani akiligassat assigiinngitsut | 21.872  | 66.231.254    | 19.729  | 49.217.911    | -9,80%  | -25,69% |
| Initaarniarnermut tapiissutinik taarsigassarsiat        | 132     | 3.193.826     | 110     | 2.779.063     | -16,67% | -12,99% |
| Namineq illuliornermi taarsigassarsiat                  | 170     | 2.121.820     | 136     | 1.611.384     | -20,00% | -24,06% |
| Innaallagialq/imeq                                      | 5.378   | 1.537.726     | 5.868   | 1.782.173     | 9,11%   | 15,90%  |
| Meeqqanut inissitanut angajoqqaat akiliutaat            | 4.911   | 6.852.245     | 3.718   | 5.171.133     | -24,29% | -24,53% |
| Nunat Avannarliit piumasaqaataat                        | 2.882   | 21.768.474    | 5.161   | 48.635.082    | 79,08%  | 123,42% |
| Akiitsut allat                                          | 3.348   | 5.603.839     | 2.909   | 7.773.160     | -13,11% | 38,71%  |
|                                                         |         |               |         |               |         |         |
| KATILLUGIT                                              | 635.938 | 1.516.223.248 | 641.524 | 1.554.230.957 | 0,88%   | 2,51%   |

Paasisutissani pissarsiffik: Akileraartarnermut Aqutsisoqarfiup akiitsunut naatsorsuutai  
Nassuiaat: Naatsorsuutini Ilinniarnermi taarsigassarsiat aamma Ingerlatseqatigiiffiit akileraarutaat procentinngorlugit amerleriaataat akiitsunik immikkoortiterinerit teknikkut allanngortinnerit nassuiarneqarput.

Ilinniarnermi taarsigassarsiat 2024-mit 2025-mut malunnaatilimmik amerleriarneri taarsigassarsisut aamma aningaasat amerleriarsimanerini, Namminersorlutik Oqartussat ilinniarnermi taarsiat nutaamik modulikkaartumik pilersitsileruttornerannik nassuiaatissartaqarput, tassungalu atatillugu ilinniarnermi taarsigassarsiat suliaassartaat torersarneqarput, taamaallutillu ilinniarnermi taarsigassarsiat akilernerqarsimanngitsut Akileraartarnermut Aqutsisoqarfimmit akileqquneqartunut nuunneqarsimallutik.

Takussutissami akiitsut suussusaanni minnerulaani, innuttaasut ulluunerani paaqqinnittarfinnut akiitsuisa eqqaavilerinermullu akiitsuisa ikiliartorneri aamma takuneqarsinnaapput. Eqqaavilerinermut akiitsut pillugit Akileraartarnermut Aqutsisoqarfik ikinnerpaaffissatut killiliussamik siornatigut atuutilersitsinikuvoq, taamaalluni akiitsut 100 kr.-iuppata imaluunni ikinneruppata akiitsut allattorsimaffiannut ilanngunneqarsinnaanngillat. Suliniutip taassuma pitsaasumik kingunera takuneqarsinnaalerpoq, taamaalluni akiligassallit ataasiakkaat akiitsunik amerlanngitsunik aningaasartallit Akileraartarnermut Aqutsisoqarfimmut nassiuttarumaarpat. Aamma aningaasartakinnerusunik akiligassallit akiligassaqarfimminnit pitsaannerusumik malinnaavigineqartalernissaat aamma neriutigineqarpoq.

## AKILERAARTARNERMUT AQUTSISOQARFIK ATTAVIGIUK

Intaleeqqap Aqqutaa nr. 1  
Postboks 1605  
3900 Nuuk  
[www.aka.gl](http://www.aka.gl)

**AKILERAARTARNERMUT  
AQUTSISOQARFIK**  


---

**SKATTESTYRELSEN**



# ILANNGUSSAT: 2025-MUT ANINGAASANUT INATSIMMI AKILERAARTARNERMUT TUNNGASUT

## Oqaasertaliussat 2026 Akileraartarnermut Aqutsisoqarfik

### **Konto pingaarnermut, 24.11.27 Isumalluutinik atuinnermut akitsuutit**

Kalaallit Nunaanni aalisarnermi pisarineqartut isumalluutinik atuinnermut akitsuutaat pillugit Inatsisartut inatsisaanni nr. 46, 23. november 2017-imeersumi § 6, imm. 2 naapertorlugu kalaallit angallataataasa Svalbardip Barentillu imartaanni raajat pisarisaasa tunineqarnerini akitsuutip procentia agguaqatigiissillugu tunngavigineqartoq akitsuutit procentiattut aalajangersaanermi atorineqartarpoq. Oqaasertaliussat ukiumi aningaasanut inatsiseqarfiusumi raajartanut sunniuteqarput.

### **Konto pingaarnermut, 24.11.27 Isumalluutinik atuinnermut akitsuutit, nassuiaatit:**

Kalaallit Nunaat Svalbardimi Barentillu imartaani raajarniarsinnaatitaavoq. Raajanik taakkunannga tunisinermi akit Kalaallit Nunaata imartaani raajartat akiinit akikinnerungaatsiartumik tunineqartarput. Sumiiffimmi taakkunani raajat mikineruneri kiisalu kilisaatit sumiiffinni taakkunani raajarniartartut raajanik suliarinninnissaminnut atortorissaaruteqannginneri tamatumunnga peqqutaavoq. Svalbardimi Barentillu imartaani raajarniarneq ullumikkut iluanaarfiorpiarneq ajorpoq. Akit akikinnerunerisa saniatigut aalisarfiit Kalaallit Nunaannit ungasinneruneri peqqutigalugit pisanut aningaasartuutit aamma amerlanerusarneri tamatumunnga peqqutaapput. Peqatigisaanillu umiarsuaatileqatigiiffiit raajat tunineqarnerini agguaqatigiissillugu akigititaasa isumalluutitut akitsuummik akiliisarneri peqqutigalugit raajarniarnerup imminut akilersinnaanera pitsaanngitsumik aamma sunnertisimasarpoq. Svalbardimi Barentillu imartaani raajarniarnermit tunisat akii tunngavigalugit immikkut akitsuusersuinerup naatsorsorneratigut unammilligassat ikilisarneqarsinnaapput. Taamaaliorneq aalisarnerup imminut akilersinnaaneranut sunniuteqassaaq, kilisaatimmi Svalbardip Barentillu imartaani maannamut raajarniaqataasartut taamatut aalisarnissamut naleqqunnerpaanngimmata. Oqaasertaliussat taakku ukiut siuliini aningaasanut inatsiseqarfiusimasuni massakkut, konto pingaarnermut, 24.11.12 Raajanut akitsuutit, AI2024-mi aamma AI2025-mi peerneqartunut, attuumassuteqarput. Oqaasertaliussat nutaajupput.

### **Konto pingaarnermut, 31.03.35 Ernereermermi aningaasaateqarfik**

Nr. 1. Naartunermi, erninermi meeravissiartaarnermilu sulinngiffeqartarneq pillugu Inatsisartut inatsisaanni nr. 5, 19. november 2020-meersumi § 27, imm. 4 naapertorlugu ukiumut aningaasanut inatsiseqarfiusumut akigititaq annerpaaq 135,00 kr.-nut aalajangersarneqarpoq.

Nr. 2. Ukiumi aningaasanut inatsiseqarfiusumi Namminersorlutik Oqartussat meerartaarnermut atatillugu sulinngiffeqarnermut aningaasaateqarfimmut tapiissutaat 0 kr.-voq.

### **Kontomut pingaarnermut, 31.03.35 Ernereermermi aningaasaateqarfik, nassuiaatit**

Nr. 1. Naartunermi, erninermi meeravissiartaarnermilu sulinngiffeqartarneq pillugu Inatsisartut inatsisaanni nr. 5, 19. november 2020-meersumi § 27, imm. 4 naapertorlugu ukiumut aningaasanut inatsiseqarfiusumut akigititanut annerpaaffissaq oqaasertaliussat aqqutigalugit aalajangersarneqarpoq. Akigititanut annerpaaffissaq aqqutigalugu sulisitsisup akissarsianut aningaasartuutit utertinnissaannut annerpaaffiliisinnaatitaaffia aalajangersarneqarpoq. Utertitsinissamut aningaasat nalunaaquttap akunneranoortut akigititat annerpaaffianniit amerlaneroqqusaanngillat. Oqaasertaliussat AI2025-mit ingerlateqqitaapput.

Nr. 2. Suliffeqarfiit namminersortut meerartaarnermut atatillugu sulinngiffeqarnermut aningaasaateqarfik pillugu malittarisassanik akuersineq aqqutigalugu piumasaqaataalerpoq, aningaasaateqarfik aningaasalersorneqarnissamik pisariaqartitsissanngitsoq, tamannalu ilaatigut Naartunermi, erninermi meeravissiartaarnermilu sulinngiffeqartarneq pillugu Inatsisartut inatsisaanni nr. 5, 19. november 2020-meersumi § 51, imm. 2-mi nassuiaatini uteqqinneqaqqippoq. Aningaasaateqarfik aningaasalersorneqarnissamik pisariaqartitsissanngilaq aningaasarpassuarnillu sipaarfiussanani. Taamaattorli aningaasaateqarfik aningaasanik sipaaruteqarsinnaavoq, erniusut amerlassusiisa nikerarnerat isumagisinnaajumallugu. Meerartaarnermut atatillugu sulinngiffeqarnermut aningaasaateqarfimmi aningaasat 83 mio. kr.-t ulloq 1. januar 2025 katersorneqarsimapput. Meerartaarnermut atatillugu sulinngiffeqarnermut aningaasaateqarfimmut ukiumoortumik 36,6 mio. kr.-t missaannik akiliisoqartillugu aamma 20 mio. kr.-nit missaannik tunniussisoqartillugu, siunertaanngikkaluartoq, aningaasaateqarfimmi aningaasat amerlasuut katersorneqartarput. Siunnersuut una aqqutigalugu aningaasaateqarfiup aningaasartuutaat aningaasaateqarfimmi aningaasanit 2026-mi aningaasalersorneqarumaarput. Oqaasertaliussat konto pingaarnermut, 24.11.22 Sulisoqarnermut akitsuut, oqaasertaliussanut atasutut isigineqassapput, aamma

namminersortut erninermut atatillugu sulinngiffeqarnermut aningaasaateqarfimmut tapiissutaat aamma 2026-mi 0 kr.-nut ikilisinneqassasut tassani aamma siunnersuutigineqarpoq. Aningaasaateqarfiup tunniussuinerani aningaasat tassanngaannartumik sipporneqariataassagaluarpata, tapiissutitut aningaasaliissutit aqqutigalugit tamanna ikiorserneqartariaqassaaq. Oqaasertaliussat nutaajupput.

#### **Nr. 107. Konto pingaarnermut 20.05.46 Naalagaaffillu sinaakkutitut isumaqatigiissummut**

Oqaasertaliussat nr. 2 tullinnguuttut konto pingaarnermut uunga ilanngunneqarput. Oqaasertaliussap ilanngunneqarneranut tunngavilersuut qinnutigineqassappat, oqaasertaliussamut uunga nassuiaatit innersuussutigineqassapput.

"Nr. 2. 1. Pilersaarusionerq aamma nunaminertat atorineqartarnerat pillugit Inatsisartut inatsisaat naapertorlugu Naalakkersuisut nuna tamakkerlugu pilersaarummik akuersillutik atuutilersitsisinnaappata, nunap immikkoortuani, Ittoqqortoormiini, mittarfiliornermut aamma immami itisuumi Qaqortup eqqaani umiarsualiviliornermut, tassungalu atasunik talittarfiliornermut illuliornermullu maleruagassanik kiisalu Ilanngussaq 2-mik suliaqartoqarsinnaavoq, taakkua kingunerisaanik oqaasertaliortoqarsinnaavoq kiisalu tamat attaveqaatersuutaannik sanaartornerit pillugit oqaasertaliussanut oqaasertaliortoqarsinnaalluni. Naalakkersuisut nuna tamakkerlugu pilersaarusionermit sumiiffimmi nunaminertap nunap immikkoortuani, Ittoqqortoormiini, mittarfiliornermut nutaamut atorineqarsinnaanerani aamma Qaqortup eqqaani immami itisuumi umiarsualivittut, talittarfittut taakkunungalu atasunik illuliorfittut atorineqarsinnaanerani kiisalu tamat attaveqaatersuutaannik sanaartornerit immikkuualuttut aalajangersagaannik aalajangersaasinnaapput, taakkualu kingunerisaannik inatsisitigut atuuttussamik kommunimut pilersaarusiortoqartussaassalluni.

2. Peqqinnissaqarfiup sullissineri il.il. pillugit Inatsisartut peqqussutaannik Namminersorlutik Oqartussat nalunaarutaat nr. 44 26. september 2023-meersoq tassungalu nalunaarutit atasut naapertorlugit Naalakkersuisut tamakkiisumik imaluunniit ilaannakortumik Peqqinnissaqarfiup sullissinera pillugu Inatsisartut peqqussutaat avaqqullugu nakorsiat Danmarkimi peqqissariarnissaminnut innersuunneqartarneri aamma peqqinnissaqarfiup ikiorserneqarnissaa suleqatigineqarnissaalu pillugit sinaakkutitut isumaqatigiissusionerminni pisinnaatitaaffeqarput.

3. Allagaatit, taarsigassarsinermut uppersarsaatit, allagaatit naqinneri uppersarsaatit il.il., sanaartornermut illulioriternernullu atatillugu suliarineqartut, oqaaseqaatini ukunani ilaatinneqartut, pisortanut naqissusiinermut akitsuuserneqarnissaminnut ilaangillat. Kalaallit Nunaanni Namminersorlutik

Oqartussat aktiaateqarluni ingerlatseqatigiiffiutaasa pigisaannik tunniussinermut, oqaasertaliussat nr. 1-mi siuliini allassimasutut ilaasumut, ilaasumik naqissusiinermut akitsuummumut ilaanginneq uppersarsaatinut aamma taarsigassarsinermut uppersarsaatinut il.il. tamanut atuuppoq.

### **Konto pingaarnermut 20.05.46 Naalagaaffillu sinaakkutitut isumaqatigiisummut nassuiaatit**

Oqaasertaliussanut nassuiaatit tullinnguuttut ilanngunneqarnissaat qinnutigineqarput:

"Nr. 2. 1. Naalakkersuisut nuna tamakkerlugu pilersaarusiamik pilersitsisinnaatitaapput, nunaminertap nunap immikkoortuani, Ittoqqortoormiini, mittarfiliornermut nutaamut atorneqarsinnaasumik aamma Qaqortup eqqaani immami itisuumi umiarsualivittut, talittarfittut taakkunungalu atasumik illuliorfittut atorneqarsinnaasumik kiisalu tamat attaveqaatersuutaannik sanaartornermi atorneqarsinnaasumik. Oqaasertaliussat tunngaviusumik pilersaarut pillugu pisariaqanngitsunik erserluttumik imaluunniit isumaqatigiinngissutinik sanaartornerit kinguarsarneqannginnissaannik qulakkeerinnittuussapput. Pilersaarusiorneq aamma nunaminertat atorneqartarnerat pillugit Inatsisartut inatsississaannik nalunaarut nr. 4 25.januar 2024-mi § 9, imm. 1-2 naapertorlugit Naalakkersuisut aalajangereersinnaapput, inuiaqatigiit malunnartumik soqutigisaat pineqartillugit, nuna tamakkerlugu pilersaarut kommunimut pilersaarutituulli inatsisitigut atuutsinneqassasoq. Nunap immikkoortuani, Ittoqqortoormiini, nutaamik mittarfiliornermut aamma Qaqortup eqqaani immami itisuumi umiarsualiviliornermut, tassungalu atasunik talittarfiliornermut, illuutinut kiisalu pisortat attaveqaatersuutaannik sanaartornermut tunngaviusumik pilersaarutit qulakkeerneqarnissaannut Naalakkersuisut pisinnaatitaaffii pillugit nalornisoqannginnissaa anguniarlugu siunnersuut ilanngunneqarpoq.

2. Aamma Peqqinnissaqarfiup sullissineri il.il. pillugit Inatsisartut peqqussutaannik Namminersorlutik Oqartussat nalunaarutaat nr. 44 26.september 2023-meersoq naapertorlugu Naalakkersuisut tamakkiisumik imaluunniit ilaannakortumik Peqqinnissaqarfiup sullissinera pillugu Inatsisartut peqqussutaat avaqqullugu nakorsiat Danmarkimi peqqissariarnissaminut innersuunneqartarneri aamma peqqinnissaqarfiup ikiorserneqarnissaa suleqatigineqarnissaalu pillugit sinaakkutitut isumaqatigiissusiornerminni pisinnaatitaaffeqarput. Naalakkersuisut aalajangissappata, inatsit siuliani taaneqartoq, avaqqunneqarsinnaasoq allaffissornikkut oqartussamut allamut tamanna pillugu naammagittaalliortoqarsinnaassanngilaq.

3. Oqaasertaliussat Kalaallit Nunaanni Namminersorlutik Oqartussat aktiaateqarluni ingerlatseqatigiiffiutaasa atorneqarnissai pillugit oqaaseqaatini nassaarineqarsinnaapput. Tassunga atasumik ingerlatseqatigiiffiit naalagaaffimmik

isumaqatigiissutigineqartut naapertorlugit nunap immikkoortuini Ittoqqortoormiuni nutaamik mittarfiliornermi aamma Qaqortup eqqaani immami itisuumi umiarsualiviliornermi, tassungalu atasunik talittarfiliornerni, illuliornerni kiisalu pisortat attaveqaatersuutaannik sanaartornermi tapertaanissaat naatsorsuutigineqarpoq. Ilanngussaq 2, oqaasertaliussat kiisalu oqaasertaliussanut oqaasertaliussat. Ingerlatseqatigiiffiit suliniutillu naqissusiinermut akitsuusertinnermut akiliisarnissamik piumasaqaat tunngavigalugu oqimaarsaartinnissaat pissusissamisuussanngilaq. Taassuma saniatigut Namminersorlutik Oqartussat pigisaasa nalillit tapiliunnerinut atasumik tapit imaluunniit tigusinerit uppersaasatit naqissuserneqartarnerinut akitsuutit ilanngunneqartussaassapput. Oqaasertaliussaq nutaajuvoq.”

**Nr. 158. Konto pingaarnermut, 24.01.01 Akileraartarnermut Aqutsisoqarfik, allaffissorneq**

Oqaasertaliussat tullinnguuttut konto pingaarnermut uunga ilanngunneqarnissat qinnutigineqarpoq: Oqaasertaliussap ilanngunneqarneranut tunngavilersuut qinnutigineqassappat, oqaasertaliussamut uunga nassuiaatit innersuussutigineqassapput.

"Nr. 2. Naalakkersuisut, aaqqiissummik neqerooruteqarnerup tigusap aamma siumoortumik nittarsaassinerup kingorna piukkunnartumik illumik inerisaavimmik, Akileraartarnermut Aqutsiveqarfiup allakkanik innuttaasunut suliffeqarfinnullu allakkanik il.il. nassiussuilluni suliaqarnissaanut IT-mik atortut (nassiussuinnermut isertarfik) inerisarnissaannut suliamik suliaqartussatut pisinnaatinneqarput.”

**Konto pingaarnermut, 24.01.01 Akileraartarnermut Aqutsisoqarfik, allaffissorneq, nassuiaatit**

Oqaasertaliussanut nassuiaatit tullinnguuttut ilanngunneqarnissaat qinnutigineqarput:

"Nr. 2. Oqaasertaliussat Naalakkersuisut/ Akileraartarnermut Aqutsisoqarfiup IT-imik atortut, Akileraartarnermut Aqutsisoqarfiup, innuttaasunut suliffeqarfinnullu allakkanik nassiussuinnerani atorneqarsinnaasumik, inerisarneqarnissaannik (nassiussuinnermut isertarfik) inerisaallutik aallartinnissaannut periarfissiissapput. Atortup allakkat il.il. arlallit ataatsikkut nassiunneqarsinnaaneri qulakkiissavai aamma Akileraartarnermut Aqutsisoqarfimmit erseqqinnerusumik attaveqartarneq qulakkiissallugu. Innuttaasut suliffeqarfiillu ukiup ingerlanerani ikinnerusunik allakkanik tigusisarneq misigisinnaalissavaat, soorlu upernaakkut nammineerluni nalunaarsuiffiit marluk aamma augustip qaammataani ukiumut nalunaarutit sisamat assersuutigineqarsinnaapput. Peqatigisaanik uppersaasatit ataatsimoortut arlallit nassiunneqarnissaannik qulakkeerinninnissaq periarfissaqalissaaq. Suliniut innuttaasut suliffeqarfiillu ataasiakkaat tamanik takunnissinnaalernerinik

pilersitsissaaq kiisalu Akileraartarnermut Aqutsisoqarfimmut aningaasatigut iluaqutaasinnaassalluni. Akileraartarnermut Aqutsisoqarfiup nassiussuinnermut isertarfik Namminersorlutik Oqartussat immikkoortortaarfii allat isertarfimmut attassusertinneqarsinnaaneri anguniarlugit inerisarneqassasoq naatsorsuutigaa. Tulluartaumik IT-ip atortuisa illuannik, upernaakkut 2026-mi nammineerluni nalunaarsukkat nassiunneqarnissaat sioqqullugit nassiussuinnermut isertarfik inerisarlugi sulinissaminut Akileraartarnermut Aqutsisoqarfiup pisinnaatitsissut atorumaarpaa. Nunami maani akileraartarnermut aaqqiissuussap IT-imik aaqqiissutit inerisarneqartarnerinik misilittakkat IT-mik atortumut atugassanik uppernarsaatit pigineqaqqaartariaqarput. Akileraartarnermut Aqutsisoqarfiup suliaqarfik taanna misissorsimavaa aamma suliap qanoq akeqarsinnaaneranik eqqoriaanermik tiguisisimalluni, taannalu naapertorlugi inerisaanermut nalunaaquttap akunneri 5-600-it iluini suliarineqarsinnaassaaq.

Tamatuma kingorna suliaq suliaqarfimmik oqaloqateqarneq aamma pisiffigisartakkamit suliaqarfimmi attuumassutilimmik misilittagaqartumit, aaqqiissutissatut siunnersuummik tigusaqarneq tunngavigalugit akuersissutigineqassasoq naatsorsuutigineqarpoq.

Oqaasertaliussaq nutaajuvoq.”

#### **Nr. 159. Konto pingaarnermut, 24.06.14 Sulinnermut ilanngaas**

Oqaasertaliussat tullinnguuttut konto pingaarnermut uunga ilanngunneqarnissaat qinnutigineqarput: Oqaasertaliussat ilanngunneqarnerannut tunngavilersuut qinnutigineqassappat, oqaasertaliussamut uunga nassuiaatit innersuussutigineqassapput.

”Aningaasarsianit akileraarutit pillugit Inatsisartut inatsisaat pillugu Namminersorlutik Oqartussat inatsimmut nalunaarutaanni nr. 62 24. oktober 2025-mi § 38 c, imm. 2 aamma 3-mi allassimasut naapertorlugit aningaasarsiat akileraarutaat pillugit isertinneqarsimasut, ukiumi isertitaqarfiusumi 2026-mi isertitat tunngaviisa sulinnermut ilanngaataasa naatsorsornerini, Suliffissarsiortunut ikiorsiissutit pillugit Inatsisartut Inatsisaat naapertorlugu ikiorsiissutit tunniunneqartartut ilaanngitsut, takuneqarsinnaapput.”

#### **Konto pingaarnermut, 24.06.14 Sulinnermut ilanngaas pillugu nassuiaatit**

Oqaasertaliussanut nassuiaatit tullinnguuttut ilanngunneqarnissaat qinnutigineqarput: ”Oqaaseqatigiit Suliffissarsiortunut ikiorsiissutit pillugit Inatsisartut inatsisaat naapertorlugu ikiorsiissutit tunniunneqartartut tunngaviusumik isertitanit sulinnermut akiitsuutit mininneqartarnissaannik siunertaqarput. Aningaasarsianit akileraarutit

pillugit Inatsisartut inatsisaat pillugu Namminersorlutik Oqartussat inatsimmut nalunaarutaat nr. 62 24.oktober 2025 naapertorlugu sulinermit ilanngaata naatsorsorneqartarpoq. Ikiorssiissutit Suliffissarsiorturnut ikiorssiissutit pillugit Inatsisartut Inatsisaat naapertorlugu tunniunneqartut tunngaviusumik isertitanut ilaasarpot, taakkumi isertitaagamik A-mik taaneqartartut, tunngaviusumik isertitanit sulinermit ilanngaatinik ilanngaatigineqarsinnaanngitsut. Sulinermit ilanngaata sulilernissamut kajumissaarutaanissaminik siunertaqarpoq. Suliffissarsiorturnut ikiorssiissutit sulinermit ilanngaataannik, suliffissarsiornerup nalaani, tunniussineq sulinermit ilanngaatit siunertaannut akerliuvoq. Pisortanit ikiorssiissutit, ilinniagaqarnermusiat aamma utoqqalinersiat tunniunneqartarneri tunngaviusumik isertitanut ilaatinneqarneq ajorput.

Inatsisissatut siunnersuut saqqummiunneqassasoq naatsorsuutigineqarpoq, tassani tunngaviusumik isertitat ataavartumik allanngussapput, aamma 2026-mi saqqummiunneqassasoq naatsorsuutaavoq.

Oqaasertaliussaq nutaajuvoq.”

#### **Nr. 160, Siunertamut konto 24.10-mut, Toqqaannartumik akileraarutit**

Oqaasertaliussat nr. 6-it tulluittut siunertap kontoanut ilanngunneqassasut qinnutigineqarput: Oqaasertaliussat ilanngunneqarnerannut tunngavilersuutit qinnutigineqassappata, oqaasertaliussamut uunga nassuiaatit innersuussutigineqassapput.

” Nr. 6 Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni § 7, imm. 3-mit 6-mut, 2026-mi atorneqanngillat. Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni § 2, imm. 4 apeqqutaatinnagu inatsisip § 2, imm. 1-nit 4-nut naapertorlugit ikiorssiissutitut tunniussat, tjenestemandip atorfeqarnermini 2026-mi katersaatut amerlatigipput. Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni § 3, imm. 1 apeqqutaatinnagu ukiumi 2026-mi ileqqartussaataitanermut procenti 9-iuvoq. ”

#### **Siunertap kontoanut 24.10-mut Toqqaannartumik akileraarutitut nassuiaatit**

Oqaasertaliussanut nassuiaatit tullinnguuttut ilanngunneqarnissaat qinnutigineqarput:

"Nr. 6. Oqaasertaliussat inatsisissatut siunnersuutip sunniutissaasa atuutilersinneqarnissaat siunertaraat, taakku ukiakkut ataatsimiinnermi imm. 12-tut suliarineqassapput. Oqaasertaliussat inatsisissatut siunnersuutip

akuersissutigineqarnerani atorunnaarsinneqassasut naatsorsuutaapput. Akileraarutininik aqutsineq akileraarnissamut kortip tapillip tunniunneqarnerani imaluunniit akileraarutit B-it tapilerlugit akileqquneqarnissaa nassiussuunneqarnerini ileqqaartussaataitanerup naammassineqarnissaanik unitsitsigallartarnissaq pingaartumik 2026-mi siunertarineqarpoq. Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaata attuuttup malitsigisaannik ileqqaartussaataitanermik naammassinninngitsoorneq akileeqqusisoqartarpoq, inatsisip nalunaarutaa nr. 67 25. september 2025-meersoq, 2026-mi sunniutai atorunnaarsinneqariissapput. Inatsisissatut siunnersuummi allannguutit allat aamma 1. januar 2026-mit atuutilersinneqarput. Soorlu tjenestemandit ileqqartussaataitanerat sakkukillineqarpoq. Ikiorssiissutit tjenestemandit atorfeqarnerminni katersortagaat 2026-mi taamaallutik peerneqarput, matumani ikiorssiissutit utoqqalinersiaqaataasussaangitsut ilanngullugit. Sulisartut ileqqaarnissaannut procenti 2026-mi 9 procentimut aamma aalajangersarneqarpoq.

Oqaasertaliussaq nutaajuvoq.”

#### **Nr. 161. Konto pingaarnermut 24.11.27 Isumalluutit erniaasa akitsuutaat**

Oqaasertaliussat tullinnguuttut konto pingaarnermut uunga ilanngunneqarnissat qinnutigineqarput:

Oqaasertaliussat ilanngunneqarnerannut tunngavilersuut qinnutigineqassappat, oqaasertaliussamut uunga nassuiaatit innersuussutigineqassapput.

" Nr. 1. Kalaallit Nunaanni aalisarnermi pisarineqartut isumalluutininik atuinermut akitsuutaat pillugit Inatsisartut inatsisaat nr. 46 23. november 2017-meersumi § 3, imm. 1 naapertorlugu angallatit 6 meterit sinnerlugit takissusillit aamma umiatsiaaqqat sinerissap qanittuani saarullinniarnissaminnut akuersissutaatillit avataani saarullinniarnermi pisamik akitsuusersorneqarnissaannut 2026-mi ilaatinneqanngillat. Oqaasertaliussat kingunerisaanik akitsuusersortinnissamut peqataatinneqannginneq 3 sømilit avataanni (avataani aalisarfimmi), aamma aalisariutit sinerissap qanittuani 2026-mi saarullinniartunut immikkoortitanut immikkut saarullittassalinnut taamaallaat atuuppoq.”

#### **Konto pingaarnermut 24.11.27 Isumalluutit erniaasa akitsuutaannut nassuiaatit**

Oqaasertaliussanut nassuiaatit tullinnguuttut ilanngunneqarnissaat qinnutigineqarput:

" Nr. 1. Angallatit 6 meteri sinnerlugu takissusillit sinerissap qanittuani aalisartartut ineriartornerisa killilersimaarneqarnissaat arlalinnik unammilligassartaqarput. Naalakkersuisut inassuteqaasiornerisa kingorna KNAPK-mit, QAK-mit aamma Royal Greenland A/S-imit 3 sømilit avataani immikkut pisassiissutininik pilersitsiniarlutik sulinertik 2026-mi aallartippaat, taakku Aalisarnermut Inatsit naapertorlugu 3 sømilit

avataanni saarullinniarluni aalisarnertut oqaatigineqartoq naapertorlugu sinerissap qanittuani massakkut aalisartartunit aalisarneqarsinnaapput. Kalaallit Nunaanni aalisarnermi pisarineqartut isumalluutitik atuinnermut akitsuutaat pillugit Inatsisartut inatsisaanni § 3, imm. 1 naapertorlugu avataani saarullinniarneq isumalluutit erniaasa akitsuusersortarnerinut ilaavoq. Sinerissap qanittuani, 3 sòmilit iluini aalisartoqarsimatillugu, saarullinniarneq akitsuusersugaaneq ajorpoq. Taassuma ingerlaannarnissaa kissaatigineqarpoq, 3 sòmilit avataanni avataani immikkut pisassiissutitik pilersitsisoqaraluartoq. Pisassiissutit pilersinneqarput sinerissap qanittuani aalisarnerup isertitaqarnerullu ineriartorneri tapersersorsinnaajumallugit. Taamaattumik avataani aalisartoqartillugu unammilligassartaqartarmat, soorlu inuttaqarniarneq aamma aningaasalersuinerup ineriartortinneqarnera, akitsuummik akiliisitsiniartarnissaq siunertaqanngitsutut isigineqarpoq. Aamma assigiimmik pinnittussaaneq eqqarsaatigalugu tamatuma sivilisunerusumik atuunnissaa kissaatigineqanngilaq. Taamaattumik Aalisarnermut, Piniarnermut, Nunalerinnermut Imminullu Pilersornermut Naalakkersuisoqarfiup aalisarnermik inuussutissarsiortut suleqatigalugit saarullinniartarfiit sumiinnerinik nutarterilluni allattuinnissani sulissutigaa, taannalu aqutsinnermut pilersaarummi 2026-p naanerani atuutilissasoq naatsorsuutigineqarpoq. Pisassiissutit siuliani taaneqareersut nalinginnaasumik avataani saarullittassanit immikkoortillugit pisassiissutitut pilersinniarneqarumaarput. Immikkut pisassiissutit taamaalillutik saarulliit akitsuutaasa 2026-mut missingersuusiorterini ilaatinneqassanngillat. Taanna tunngavigalugu oqaasertat uku kingunerisaannik aningaasanut inatsisissatut siunnersuummi aningaasartat allannguuteqassanngitsutut naatsorsuutigineqarput, avataanimi 2026-mi saarullinniarnermi isertitassatut missingiutit ilanngunneqartussaannngimmata. Oqaasertaliussaq nutaajuvoq.”

#### **Nr. 162. Konto pingaarneq 24.11.27 Isumalluutit erniaasa akitsuutaat**

Oqaasertaliussat nr. 2 tullinnguuttut konto pingaarnermut uunga ilanngunneqarnissaat qinnutigineqarput.

Oqaasertaliussat ilanngunneqarnerannut tunngavilersuutit qinnutigineqassappata, oqaasertaliussamut uunga nassuiaatit innersuussutigineqassapput.

"Nr. 2. Kalaallit Nunaanni aalisarnermi pisarineqartut isumalluutitik atuinnermut akitsuutaat pillugit Inatsisartut inatsisaat nr. 46 23.november 2017-mi § 1 naapertorlugu Kalaallit Nunaata imartaata avataani imaluunniit sinerissap qanittuani aalisarfinni raajarniarnissamut suliffeqarfiit inuillu pisassallit, akuersissutillit imaluunniit aalisarnermut akuersissutit imaluunniit raajarniartartut, nunat allat imartaanni aalisartartut imaluunniit nunat tamalaat imaartaanni suliffeqarfiit inuillu isumaqatigiissusiorfigineqarsimasut Kalaallit Nunaanni oqartussanit aalisarnermut

pisassiissutit, akuersissutit imaluunniit akuerisat tunniunneqartut akitsuusersugassaanngitsut, Nunatta karsianut tapinik akitsuusigassaassapput. Kalaallit Nunaanni aalisarnermi pisarineqartut isumalluutininik atuinnermut akitsuutaat pillugit Inatsisartut inatsisaanni nr. 46, 23. november 2017-mi § 13 naapertorlugu akileraartarnermut aqutsisoqarfimmik isumaqatigiissummut ilaagunik aamma naatsorsuutsittussaagunik suliffeqarfiit inuillu pisassallit, akuersissutaatillit imaluunniit akuersissutit Kalaallit Nunaata imartaani aalisarfinni, nunat allat imartaanni imaluunniit nunat tamalaat imartaasa aalisarfigisartagaanni akitsuusigassaataapput, taakku avataani imaluunniit sinerissap qanittuani raajartassaat, aalisarsinnaanermut akuersissutaat imaluunniit akuersissutaat ilanngullugit. Akitsuusigassaanut Naalakkersuisut nunat imaluunniit naalagaaffiit oqartussaasa akornanni aalisarnermut isumaqatigiisutit naapertorlugit Kalaallit Nunaata imartaata aalisarfiani, Kalaallit Nunaata imartaata avataani aalisarfiusartuni, nunat allat imartaanni aalisarfiusartuni imaluunniit nunat tamalaat imartaanni aalisarfiusartuni aalisariutit, suliffeqarfinnit pigineqartut imaluunniit angallatit inuttaqartinneqaratik attartortinneqartut aamma inuit pisassallit, akuersissutaatillit imaluunniit akuersissutit ilaanngillat. Qaammatini pingasuni akitsuutip tapia, qaammatit pingasut agguaqatigiisillugu akitut naleqartoq, qaammatit pingasukkaat marluk qaammatit pingasut siuliini pisuni, avammut tunisat imaluunniit aalisakkap pisarineqareerluni tunisap nalingatut naleqartoq 30 procentimik amerlaningortinneqassaaq (akissarsiat aningaasartuutaannut eqqoriakkanut) amerleriaatinngortinneqaqqillunilu 43 procentimik (agguaqatigiisillugu akileraarutip akianut). Akitsuutip tapia avammut tunisat kiilukkaarlugit imaluunniit tunisinikkaarlugit akileqquneqartassaaq.”

#### **Kontomut pingaarnermut, 24.11.27 Isumalluutit erniaasa akitsuutaat, nassuiaatit**

Oqaasertaliussanut nassuiaatit tullinnguuttut ilanngunneqarnissaat qinnutigineqarput:

"Nr. 2. Suliffeqarfiit inuillu pisassallit, akuersissutaatillit imaluunniit akuersissutillit Kalaallit Nunaata imartaani, avataani imaluunniit sinerissap qanittuani, nunat allat imartaanni imaluunniit nunat tamalaat imartaasa aalisarfigisartagaanni raajarniarnissamut akuersissutaatillit imaluunniit akuersissutillit, nunat allat (kalaaliunngitsut) angallataata atorlugit aalisarnerup (ilaani) nunani allamiunik (Kalaallit Nunaanni najugaqanngitsunik) inuttaqarlutik aalisarsinnaanerinik isumaqatigiissummut ilaasut, angallatip inuttaasa akileraarusersornissaannut Kalaallit Nunaat annaasaqassaaq. Isumaqatigiisutit taamaattut taamaalillutik akileraarutit aqqutigalugit isertitat ikileriarnerinik kinguneqartitsisassapput. Ikileriaat taamaattoq nalimmassarsinnaajumallugu suliffeqarfiit inuillu nunat allat angallataannik atuillutik nunanit allamiunit inuttaqarnissamik isumaqatigiisuteqartartut akileraarutit tapiissutaannik akileqquneqartassasut siunnersuutigineqarpoq. Taamaalilluni tunngaviusumik akileraarutit illersorneqarnissai siunertalimmik illersuinissaq pineqalissaaq. Aalisagaqatigiinnik pineqartunik avammut tunisinermi imaluunniit

tunisinermi kiilumut koruuninngorlugu akitsuutip tapia amerlisarneqartassaaq 30 procentimik amerlisaqqillugu 43 procentimik. Avammut tunisaaq imaluunniit tunisaaq kiilumut akitsuutip tapilerneqartoq akileqquneqartassaaq. Kalaallit Nunaanni aalisarnermi pisarineqartut isumalluutini atuinermut akitsuutaat pillugit Inatsisartut inatsisaat nr. 46 23.november 2017-mi § 6 imm. 1 naapertorlugu aalisagaqatigiit avammut tunisat imaluunniit tunisat agguaqatigiisillugu akia taamatorluinnaq naatsorsorneqartassaaq aamma tunngavigisap assinganik naatsorsorneqartassalluni. Aki 30 procentimik amerleriarneqassaaq, misilittakkallu malillugit taanna aalisarnermi angallatit inuttaasa akissarsiaasa agguaqatigiisillugu aningaasartuutigineqartarnerisa naligaat. Aningaasat tamatuma kingorna 43 procentimik amerleriaatinngortinneqassapput, Kalaallit Nunaanni akileraartarnermut procentip agguaqatigiisillugu nalinganut. Agguaqatigiisilluni aki soorlu kiilumut 40 koruuniuppat, tapi 40 kr. x 30 pct x 43 procentimik kisinneqassaaq. = 5,16 kr. kiilumut Oqaasertaliussat Naalakkersuisut, nunat imaluunniit nunat tamalaat oqartussaasa akornanni aalisarnermut isumaqatigiissutit naapertorlugit aalisariutit suliffeqarfinit pigineqartunit imaluunniit angallatit inuttaqartinneqaratik attartorneqartunit aamma Kalaallit Nunaata imartaata avataani aalisarfiusuni, nunat allat imartaanni aalisarfiusuni imaluunniit nunat tamalaat imartaanni imaluunniit Kalaallit Nunaata imartaani aalisarfiusumi inunnit pisassalinnit, akuersissutilinnit imaluunniit aalisarnissaminnut akuersissutilinnit atorneqarsinnaanngillat. Angallammik inuttaqartinnagu attartornissamik isumaqatigiissut tassaavoq angallammik inuttaqartinnagu, orsulersornagu imaluunniit pilersornagu attartorneq, tassani attartortup umiarsuup ingerlanneqarnera tamaat akissussaaffigisarpaa, matumani inuttat, orsussaaq, sillimmassiinerit aserfallatsaaliinerillu ilanngullugit. Attartortup suut tamaasa akissussaaffigivai; inuttat sulilersinnissaat, orsussaqarnissaq, sillimmasiinissaq, sumiissusersiuuteqarnissaq, talinnermi pitutuinissaq aserfallatsaaliinissarlu. Attartornermi umiatsiaq naalagaqassanngilaq imaluunniit inuttaqassanngilaq. Aningaasarsiutigalugu umiarsuarmik angallannermi angallammik inuttaqartitsinani attartortitsisarneq soorlu attartortitsinissamik isumaqatigiissutitut ippoq aamma attartortup umiarsuaq taassumalu ingerlanera tamaat akissaafigisarpai. Kalaallit Nunaanni aalisarnermi pisarineqartut isumalluutini atuinermut akitsuutaat pillugit Inatsisartut inatsisaat nr. 46 23.november 2017-imi § 13-imi maleruagassat naapertorlugit isumaqatigiissutit attuuttut aamma akileraarutini aqutsinerit naatsorsorneqartarput, matumani akitsuutip tapia suliffeqarfinit inunniillu pisassalinnit, akuersissutilinnit imaluunniit Kalaallit Nunaata avataata imartaani aalisarfiusuni, nunat aalisarfiini imaluunniit nunat tamalaat imartaani akuersissutilinnit akilernerqartarlutik, taakkua pisassai, akuersissutai imaluunniit avataani raajarniarnermut imaluunniit sinerissap qanittuani raajarniarnermut akuersissutaataat ilanngullugit

Oqaasertaliussaq nutaajuvoq.”

## **Nr. 166. Konto pingaarnermut, 67.01.19 Naartunaveersaasersuineramik suliaq**

Oqaasertaliussat nr. 1-2 tullinnguuttut konto pingaarnermut uunga ilanngunneqarnissaat qinnutigineqarput:

Oqaasertaliussat ilanngunneqarnerannut tunngavilersuutit qinnutigineqassappata, oqaasertaliussamut uunga nassuiaatit innersuussutigineqassapput.

"Nr. 1. Naalakkersuisut inuit akuersissummik tunniussinatik Kalaallit Nunaanni Peqqinnissaqarfimmit 31.december 1991-p kingorna naartunaveersaasersorneqarsimasut, aamma naartunaveersaasersorneqarlutik assigissaannik taarsiissutinik siornatigut tiguisimannigitsut, inatsisit tunngaviginagit taarsiiffigineqarnissaannik tunniussinissaminnut pisinnaatinneqarput. Arnat tamarmik immikkut 300.000 kr.-nit tikillugit taarsiivigineqartussaapput aamma inunnut toqoreersunut tamanna atuutinngilaq. Taarsiissutit aningaasartaat isertitanit akileraartarneq pillugu Inatsisartut inatsisaat naapertorlugu naatsorsorneqartunut ilaanngilaq aamma procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat naapertorlugu tiguisup imaluunniit tiguisup inoqutaasa isertitaannut atuuttumut ilaatillugu naatsorsorneqanngilaq. Sullissivik.gl aqutigalugu qarasaasiatigut immersugassaq aqutigalugu taarsiissutinik qinnuteqaat saqqummiunneqarsinnaavoq imaluunniit qinnuteqaat immersugassaq pappilianngorlugu immersugaq allakkatigut mailikkulluunniit nassiunneqarsinnaavoq. Naalakkersuisoqarfik piumasaqaat taanna atornagu aalajangersimasumik nalilersuisinnaavoq. Oqaasertaliussat naapertorlugit suliaq suliarineqarsinnaassappat, qinnuteqartup akuersilluni atsiugaanik aamma peqqissutsimut paasissutissat pisariallit suliarineqarnissaannut atsiukkamik pissarsisoqassaaq. Taama pisoqarsimanngippat taarsiivigitinnissamik piumasaqaatit atorunnaarsinneqassapput. Aalajangiinerit inaarutaasumik aalajangiinerupput, aamma allaffissornikkut oqartussaasunut allanut naammagittaalliuutigineqarsinnaanngillat.

Nr. 2 Konto pingaarnermut 67.01.19 Naartunaveersaasersuineramik suliaq, arnanik 1991-p kingorna 2027-p tungaanut akuersitinneqaratik imaluunniit ilisimatinneqaratik il.il. naartunaveersaasersugaasimasunut taarsiissutissatut, ukiup aningaasaliiffiusup 2026-p ingerlanerani suliat tamarmik naammassineqarsimassanngippata, siusinnerusukkut aningaasaliissutinik atorneqarsimannigitsunik Naalakkersuisut nuussinissaminnut pisinnaatinneqarput. Konto pingaarnermut aningaasaliissutit qassiuneri apeqqutaatinngagit taakku qaavisigut taarsiissutissatut aningaasat 5.000.000 kr.-it tikillugit tassunga immikkoortinneqarsinnaapput. Aningaasanik immikkoortitsinnginnermi Aningaasaqarnermut Akileraartarnermullu Ataatsimiititaliamut immikkoortitsinissaq akuerineqartussanngorlugu saqqummiunneqartassaaq."

## **Konto pingaarnermut, 67.01.19 Naartunaveersaasersuinermik suliaq oqaaseqaatit**

Oqaasertaliussanut nassuiaatit tullinnguuttut ilanngunneqarnissaat qinnutigineqarput:

"Nr. 1. Arnanut akuersitinneqaratik imaluunniit ilisimatinneqaratik il.il. 1991-p kingorna naartunaveersaasersorneqarsimasunut taarsiiffigitinnissaat pillugit naartunaveersaasersuinermik suliaq pillugu suliniutitut pilersaarummik suliaqartoqarnikuuvoq. Arnat akuersiteqqaarnagit imaluunniit ilisimateqqaarnagit 1991-p kingorna naartunaveersaasersorneqarsimasut aningaasanik taarsiivigitinnissaminnik neqeroorfiginissaat siunertaavoq. Tassa imaappoq Peqqinnissaqarfiup 1.januar 1992-p akisussaavigineqalernerata kingorna arnat akuersiteqqaarnagit naartunaveersaasersorneqarsimasut tamarmik suliami pineqarput. "Akuersissuteqarani" ima paasineqassaaq, arnaq pilattaavimmi naartuersinnermi kingorna spiralilertissimalluni ilisimatinneqartoq imaluunniit, nammineq nakorsamik sulisumilluunniit allamik naartuersinnissani sioqqullugu oqaloqateqaaqaarani aamma tamatumunnga akuerseqqaarani, kingusinnerusukkut spiraleqarluni paasinnittoq. Naartunaveersaatit aallaavittut ilutsit tulliuttut pineqarput; spiralit, Depo-Proveramik kapitinneq (P-kapuut), P-stavet aamma kinguaassiorsinnaajunnaarsitaaneq, taamaattorli ilutsit allat katsorsarneqarsinnaasut aamma oqaluttuarineqarsinnaasarput.

### *Pisunik nalunaarutiginninneq*

Arnat pisunik nalunaaruteqarnissaminnut periarfissaqarput aamma Sullissivik.gl aqqutigalugu digitalikkut nalunaarutiginninnissamik periarfissaq nutaaq atorlugu taarsiivigitinnissamut qinnuteqarsinnaapput. Pisut pillugit nalunaarutiginninnissamut aamma periarfissaqassaaq aamma taarsiivigitinnissamik qinnuteqaat immersortagaq allakkatigut mailikkulluunniit nassiullugu qinnuteqarnissaq periarfissaassalluni. Tassunga atasumik qinnuteqarnissamut periarfissaq siullertut 2025-p naanerata tungaanut ammatinneqarumaarpoq. Qinnuteqaatit nassiunneqarunik, suliap paasissutissiissutiginnissaanik sulineq aallartissaaq, matumani nakorsiarnermi allattaaviit katersorneqarneri ilanngullugit, pisariaqanngitsumik kinguarsaasoqarani. Qinnuteqaatit tiguneqarunik suliamik suliaqarneq sukkanerpaamik aallartinneqassaaq. Suliat nalunaarutigineqareersut aamma nakorsiarnermi allattukkat naniniarneqarnikuusut pillugit aalajangiisoqartarumaarpoq. Peqqinnissaqarfimmit aamma Nunatta Allagaateqarfianit nakorsiarnermi allattukkat pissarsiarineqarnissaannut akuersissummik saqqummiussisoqarpat aamma paasissutissat attuumassutillit qinnuteqaammiippata suliat piviusut malillugit suliarineqassapput. Qinnuteqaat paasissutissanik amigaateqarsimappat, paasissutissat pisariaqartinneqartut pissarsiarinissaat anguniarlugu innuttaasooq saaffigineqartassaaq. Suleriaaseq taanna toqqarneqarsimavoq suliat tamarmik sapinngisamik assigiimmik aalajangersaaffigineqarnissaat qulakkeerniarlugu. Uppernarsaasersuineq aamma pisut aalajangersimasut suliani allaaserineqartut

assigiinngitsorujussuusinnaaneri naatsorsuutigineqarmata inatsisitigut isumannaatsumik sulinissamut tamanna pingaarteqarlunnartutut nalilerneqarpoq. Inuussutissarsiutinut, Aatsitassanut, Nukissiuteqarnermut, Inatsisit Atuutsinneqarnerinut Naligiisitaanermullu Naalakkersuisoqarfimmi sulianik suliaqartoqartarumaarpoq, tassunga atasumik suliffeqarfiup avataani suleqatigiit inatsisilerituumik ataatsimik, peqqissutsimik ilisimasalimmik ataatsimik suliaqarfimmik ilisimasalimmik aamma suliamik suliarinnittartumik ataatsimik inuttaqartinneqartumik sulisoqarumaarpoq. Allamik immikkut ilisimasalimmik, pisariaqartitsisoqartutut tamanna nalilerneqarpat, sulilersitsisoqarsinnaavoq, soorlu sakkortuumik misigisaqarsimasunik immikkut ilisimasalimmik. Ilaasortat naalakkersuisoqarfinni pisortaqatigiinnit toqqarneqarumaarput. Sulianik suliarinninneq aningaasaliissutinit akilerneqassaaq. Naalakkersuisoqarfik peqqissutsimik suliaqartartut paasisimasaannik nalilersuinissaminut aamma nakorsiarnernup allatuiffiisa pissarsiarineqarsimasut Peqqissutsimut Inunnullu Innarluutilinnut Naalakkersuisoqarfimmiittut aaneqartarneri pillugit ataqatigiissaarinninnissamut piginnaasaqanngilaq. Suleqatigiit suliffiup avataaneersut nakorsiarnermi allattukkat suliat suliarinerinut attuumassutillit pissiarsisinnaaneriniq qulakkeerinnittoqassaaq. Suleqatigiit qinnuteqaammik suliarinnereerpata, aamma taarsiivigitinnissamut inassuteqaasiorfigineqarnissamik naliliisoqareerpata, suliamik suliaqarneq eqqortumik suliarineqarsimanersaq, aamma suliap aalajangiiffigineqarnissaanut pisarialimmik tunngavinnik saqqummiussisoqarsimanersaq, nalilersortinniarlugu suliffeqarfiup avataani eqqartuussissuserisumut suliaq saqqummiunneqassaaq. Suliaq suleqatigiinnut, suliamik inaarutaasumik aalajangiisussanut, utertinneqassaaq aamma taakku inuttaasup paasissutissaataanik qulakkeerinnillutillu taarsiivigitinnissamik sulineq aallartissavaat. Taarsiiffigitinnissamik qinnuteqaat naammagittaalliummik ilaqarsimassaguni, nalinginnaasumik naammagittaalliortarnermut aalajangersakkat naapertorlugit suliarineqarumaarpoq taamaattumillu inatsisini kinguartitsilluni suliaqarnissamut aalajangersakkat malillugit suliarineqartussanngussalluni. Ilanngussaq 2, oqaaseqaatit aamma oqaaseqaatinut nassuiaatit. Arnat tamarmik immikkut amerlanerpaamik 300.000 kr.-inik taarsiiffigiteqqusaapput. Arnat qasserpiaat taarsiiffigitinniarlutik pisunik nalunaaruteqassanersut nalorninarmat, Naartunaveersaasersuineramik suliap aningaasatigut kingunissai inaarutaasumik naatsorsorneqarsinnaasimanngillat. Peqqinnissaqarfiup 1.januar 1992-p akisussaavigineqalernerata kingorna arnat akuersiteqqaarnagit imaluunniit ilisimateqqaarnagit il.il. naartunaveersaasersorneqarsimasut qinnuteqaataasa suliarinerinut aamma taarsiivigitinnerisa agguaaneranut kiisalu sulianik suliarinninnermi aningaasartuutit attuumassutillit akilernerinut konto pingaarnernup 67.01.19-ip iluani Naartunaveersaasersuineramik suliap aningaasartuutai (aamma avitseqateqarluni aningaasartuutai) akilerneqassapput. Konto pingaarnermi aningaasat qassiunerit apeqqutaatinnagit katillugu 5.000.000 kr.-inik immikkoortitsisoqarsinnaavoq. Suliat eqqoriaanermi amerlassusaat qulaajaanermi

aningsaanik taakkunaannga tamarmiusunik sippuilluni atuinissaq  
pisariaqartussanngortoq paasinarsissappat, immikkoortitsinissaq sioqqullugu  
aningsaasartuutissatut eqqoriakkat Aningsaasaqarnermut Akileraartarnermullu  
Ataatsimiititaliamut akuerisassanngorlugit saqqummiunneqassapput.

#### *Tunngavissiiineq*

Aaqqiineq una tunngavissamik pilersitsinerunngitsutut nalilernerqarpoq,  
aningsaasartuutinimmi akiliineq Naalakkersuisunit aalajangerneqarpoq aamma  
Aningsaasaqarnermut Akileraartarnermullu Ataatsimiititaliamit akuerineqarluni,  
aningsaasartuutigineqarsimasunik aningsaasaliineq inatsisinik tunngaveqarluni siullertut  
piumasaqaatitaqartoq aallaaviatigut matumani atorineqanngilaq. Arnat akuersissummik  
tunniussineqanngitsut spiralilersortissimasut Europarådip inuit pisinnaatitaaffiisa  
isumaqatigiissutaat (EMRK) kiisalu Angutit arnallu naligiissitaanissaat pillugu  
Inatsisartut inatsisaanni § 4 naapertorlugit ammip qalipaataanik tunngaveqarluni /  
assigiinngisitsilluni pisimasut taarsiivigitinnissaannik uani inassuteqaannarsimasutut  
nalilernerqarpoq.

Oqaasertaliussat nutaajupput.

Nr. 2. Naalakkersuisut aningsaasaliissutit atorluarneqarnerunissaat qulakkeerniarlugit  
ukiut aningsaasaliiviusut akornanni aningsaanik nuussinissaminnut inatsisitigut  
tunngavissinneqarnissaat oqaasertaliussat aqqutigalugit qulakkeerneqarput.

Oqaasertaliussat Aningsaasaqarnermut Akileraartarnermullu Ataatsimiititaliap 2025-mi  
4,5 mio. kr.-inik siunertamut immikkoortitsigallarsimaneranut atasutut  
isigineqassapput. Ataatsimiititaliap 25/001137 aalajangernera naapertorlugu  
aningsaasat taakku ilai taamaalillutik 2026-mi aamma 2027-mi  
immikkoortinneqaratarsinnaapput.

Oqaasertaliussaq nutaajuvoq.”